


聖濟總錄

九十七

庫文閣内		
函	1110	漢
冊數	200 (99)	
冊號	300	212



大德寺藏書目錄卷第九十七

大方廣

大涅槃經

大德寺藏

結

大學東
校典藉
局之印

大德重校聖濟總錄卷第九十七
大小便門

大便秘澀

大便不通

結陰



大木香

檳榔生

羌活去蘆頭

桂皮去麤皮

陳橘皮湯浸去白

大黃濕紙裹煨貳兩

牽牛子用半斤取末肆兩

右七味搗羅為末鍊蜜丸如梧桐子大每服十五丸

以生薑紫蘇湯下漸加至三十丸

治津液燥少腸胃挾風大便秘澁氣道不勻勻氣丸方

麻人別研貳兩

人參

訶梨勒皮

枳殼去瓢炒

桂去麤皮各壹兩

木香膏兩半

郁李人湯去皮別研

白檳榔

大黃炙微赤各參兩

右九味搗羅七味為末入麻人等再研勻鍊蜜為丸

如梧桐子大每服三十九加至五十九溫熱水下不計時候

治大腸風熱秘澁牛黃丸方

牛黃細研壹分

大黃剉炒貳兩

巴豆去皮心膜炒研新瓦上

取霜半兩

右三味搗研為末酒煮麪糊丸如菉豆大每服五丸

臨臥米飲下量虛實加減

治大便澀秘牽牛散方

牽牛子半生半炒

檳榔生剉各半兩

右二味搗羅為散每服三錢匕生薑湯調下未利良

久以熱茶投疎利爲度

治胃氣虛弱飲食無味上膈寒壅冷積癥瘕癖氣食不
消化肺氣積聚心胸痰逆喘急卒中風毒脚氣大腸祕
澁奔豚氣痛木香檳榔丸方

木香

檳榔

羌活

芎藭

桂

郁李人

大黃

右七味擣羅六味爲末與郁李人同研勻鍊蜜丸如

梧桐子大每服二十九食前生薑湯下或諸氣痛溫

酒下

治諸風濕痺筋攣膝痛胃中積熱口瘡煩悶大便秘澁
大豆麩方

大豆黃卷

炒熟搗末壹升

酥

右二味研勻不拘食前後溫水調下一匙

治熱毒風犬便秘澀及心風健忘肝風眼暗羚羊角丸

方

羚羊角

人參

羌活

苦參

防風

玄參

丹參

大黃

大麻人

梔子人

升麻

龍齒

麥門冬去心焙 茯神去木

枳殼去穢炒

黃連須去

犀角鎊

菊花

天門冬去心焙

郁李人去皮雙

生乾地黃各參

右二十一味搗羅十八味為末與麻人龍齒郁李人

膏同研令勻鍊蜜和杵丸如梧桐子大每服空腹溫

酒下二十九加至三十九

治風氣壅滯大腸祕澀地龍丸方

地龍去土

牽牛子半生

苦參各壹

烏頭生去皮

右四味搗羅為末醋煮稀麩糊丸如梧桐子大每服

十五丸至二十九空心夜臥米飲下

治大便秘澀五藏風壅膈實不宣桃花湯方

桃花乾者

甘遂炒壹

郁李人去皮雙

海蛤搗碎

枳實去穢炒

大黃剉炒各

木香

陳橘皮湯浸去白

右八味先麤搗七味為末與郁李人和勻每服五錢

匕水二盞煎至一盞去滓空腹溫服良久以乾飯一

匙壓之覺轉動腹如雷鳴即以熱水洗足宜下諸惡

物以糜粥助之

治健忘多驚大便難口中生瘡殺羊角飲方

殺羊角鎊

人參

赤茯苓去黑皮

羌活去蘆頭

附子炮裂去皮臍

梔子人炒

牡丹皮

黃芩去黑心

麥門冬去心炒

薔薇根皮

大黃炒各壹兩

防已貳兩

胡黃連兩半

甘草炙參分

右一十四味剉如麻豆每服五錢匕水二盞入生薑

半分拍破鹽豉四十粒同煎至一盞去滓更入淡竹

瀝少許攪令勻食前溫服

治胃實腹脹水穀不消溺黃體熱鼻塞衄血口喎唇緊

關格不通大便苦難承氣瀉胃厚朴湯方

厚朴去麤皮生薑汁炙參分

大黃剉炒貳兩

枳殼去瓤炒 甘草炙各半兩

右四味麤搗篩每服五錢匕水一盞半煎至一盞去

滓空心溫服取利為度

治太便秘難麻人丸方

大麻人別研膏 大黃剉炒各參兩

厚朴去麤皮生薑汁炙貳兩

枳殼去瓤炒壹兩半

右四味搗羅三味為末與麻人同研鍊蜜和杵令勻

丸如梧桐子大每服二十九空心溫水下以利為度

治反胃大便難肌膚乾瘦雞胫骨充方

雞胫骨慢火炙 大黃剉炒 大麻人研如膏

右三味搗羅二味為末與麻人同研鍊蜜和杵丸如梧桐子大每服二十九食前米飲下日三

治強壯人熱毒流入腸胃骨節疼痛腹中煩滿大便秘澀升麻湯方

升麻 大黃剉炒各肆兩 前胡去苗

梔子人炒各參兩

右四味麤搗篩每服三錢匕水一盞煎至七分去滓食前溫服未通再服

治疰癖注氣刺痛大便秘澀京三稜丸方

京三稜煨乘熱推碎 木香

當歸切焙 桂去麤皮 肉苳蓉酒浸切焙

牛膝去苗酒浸切焙 羌活去蘆頭 芎藭

赤芍藥剉 防風去叉 枳殼去瓢炒

白朮各半 檳榔生剉 大黃剉炒

郁李人去皮雙入剉研如膏各壹兩

右一十五味除郁李人外搗羅為末與郁李人膏同研令勻鍊蜜和杵丸如梧桐子大每服二十九空腹

米飲或溫酒下以利為度

治三焦不和藏府虛結胸膈痞悶大便秘澀麻人丸方

大麻人研膏肆兩

大黃半生半熟肆兩

白僵榔生入火

桂去麤皮

羌活去蘆頭

菟絲子酒浸宿別搗

山茱萸

山芋

枳殼去瓢炒

車前子

防風去叉各壹兩半

郁李人去皮研膏肆兩

木香壹兩

右一十三味搗研為末鍊蜜丸如梧桐子大每服十

五丸至二十九溫水下臨臥服

治大腸虛冷風祕凌霄花根丸方

凌霄花根去皮洗焙參兩

烏藥剉

人參各半兩

皂莢子伍拾枚

右四味搗羅為末鍊蜜丸如菉豆大每服十九至十

五丸溫水下一日二服老人多患此疾服之半月漸

調亦不踈利

治大腸冷祕威靈仙丸方

威靈仙不以多少洗切

右一味搗羅為末鍊蜜丸如梧桐子大每服十五丸

至二十九生薑清米飲下臨臥服

治氣脹滿大便秘澁腹肋刺痛牽牛子丸方

牽牛子半生半炒參兩

檳榔生剉貳兩

木香壹兩

右三味搗羅為末鍊蜜和丸如梧桐子大每服二十

丸空心溫酒或米飲下

治裏急後重大便不快服炒桃人法

桃人去皮參兩

吳茱萸貳兩

鹽壹兩

右三味同炒熟去鹽并茱萸只以桃人空心夜臥不

拘時任意嚼五七粒至一二十粒

治大便冷秘附子散方

附子壹枚炮裂去皮臍

右一味削去外面留中心如棗大碾為細散蜜水調

下一錢匕

治年老虛弱大便秘滯葱膠湯方

阿膠拾片

葱壹握切

右二味以水二盞同煎膠令烊取一盞溫服之立效

治老人虛秘大腹湯方

連皮大腹拾伍枚木瓜壹枚

葱白伍莖

右三味剉如麻豆以水五盞煎至二盞半去滓分溫

五服

治大病後重亡津液及老人津液不足大便秘澀平胃

煮散加青橘皮方

厚朴去麤皮薑汁炙伍兩蒼朮去麤皮米泔浸壹宿焙捌兩

陳橘皮湯浸去白焙伍兩

甘草炙參兩

右四味搗羅為散每服三錢匕水一盞半加青橘皮末半錢七生薑二片棗二枚擘煎至一盞去滓溫服治宿食不消大便難滌中丸方

大黃剉兩

葶藶隔紙炒

杏人去皮尖雙

芒消研各

右四味搗研為末鍊蜜和杵丸如梧桐子大每服五丸至七丸食後溫水下日三未通加至十丸

治脾胃不和內有蟲滯大便祕難大黃丸方

大黃剉

赤芍藥各參

厚朴去麤皮薑

枳實去瓢麩炒

大麻人別研如

右五味搗羅四味為末與麻人同研勻鍊蜜和杵丸如梧桐子大每服十丸至十五丸食前溫水下以通利為度

治大腸祕澁冷熱相攻寒熱如瘡檳榔丸方

檳榔剉壹

羌活去蘆頭

郁李人湯浸去皮

木香壹

大黃剉兩

牽牛子肆兩搗細

青橘皮湯去白

大麻人別研

右八味搗羅六味為末入研藥令勻鍊蜜和丸如梧桐子大每服二十九生薑湯下

治大腸風祕結澁不通戟香散方

大戟炒

木香

乾薑炮

陳橘皮

湯浸去白

牽牛子

伍兩取細末貳兩

大黃剉微炒

羌活去蘆頭

芎藭各半兩

陳麴微炒

訶梨勒皮各壹分

桂去麤皮參分

右一十一味搗羅為散每服二錢匕生薑茶清調下

臨臥服

治大腸風壅祕澁不通大麻人丸方

大麻人

研如泥伍兩

芎藭壹兩壹分

附子生去皮臍半兩

大黃剉碎炒貳兩

甜消半兩

右五味搗研為末鍊蜜和丸如梧桐子大每服三十

丸溫酒下

治大腸有熱津液竭燥裏急後重大便秘澁三人丸方

松子人

栢子人

大麻子人

各壹兩

右三味同研勻黃蠟半兩鎔汁和丸如梧桐子大每

服二十九食前米飲下未快加丸數服

大便不通

論曰大腸者傳導之官變化出焉由榮衛津液有以滋利也若邪熱相搏津液枯燥致糟粕內結而不得行故腸胃否塞而大便不通令人腰痛腹滿不能飲食經所謂熱結下焦則便難然又有病後氣血不足內亡津液

或年高氣泄冷熱相搏者亦致大便難治宜詳之

治大腸壅結不通腹脇脹滿膨悶不下食枳殼湯方

枳殼去瓤炒 甘草炙到各壹分 大腹皮參錢

百合 牽牛子炒 赤茯苓去黑皮各壹兩

赤芍藥 桑根白皮剉各參分 郁李人湯浸去皮尖雙人陰

乾半兩

右九味麤搗篩每服五錢匕水一盞半煎至八分去

滓空心食前溫服以通為度

治虛熱痰實三焦痞結溫壯煩熱大便不通麥門冬湯

方

麥門冬去心焙 赤茯苓去黑皮 甘草炙到

大黃去心 大黃剉炒各半兩 赤芍藥壹兩

右六味麤搗篩每服五錢匕水一盞半入竹葉十片

生薑一棗大拍破煎至八分去滓食前溫服日三

治膈氣痰涎食不消化大便不通腹中雷鳴宜氣木香

飲方

木香 桂去麤皮 昆布洗去鹹焙

大檳榔壹半生剉 大黃剉 半夏湯洗去滑麤炒各半

芎藭 甘草炙到各壹分

訶梨勒剉去核

右九味麤搗篩每服五錢匕水一盞半生薑一棗大拍碎煎至八分去滓食後溫服日三

治大腸祕澁不通風結黑神丸方

巴豆

壹兩麩炒去皮心膜出油

硫黃

研壹分

乾薑

炮半兩

皂莢

參換不艸者燒令煙絕與硫黃同研

右四味搗乾薑為細末與三味同研令勻用蒸餅去

皮湯浸搗乾紙裏煨透和藥搗勻丸如梧桐子大每

服三丸空心生薑湯下加至四丸

治大便不通消除痞氣牽牛子丸方

牽牛子

生搗為末壹兩半

甘遂

剉炒半兩

木香

壹兩

京三稜

煨剉

陳橘皮

湯浸去白焙

訶梨勒

煨去核各參分

右六味搗羅為末用生薑四兩研絞取汁白蜜五兩

同煎成膏和藥為劑搗五百杵丸如梧桐子大每服

二十九夜臥時煎粟米飲下未利加至三十九

治大便不通麻人丸方

大麻人

研如膏

大黃

剉炒

葛根

剉各壹兩半

桑根白皮

剉

芒消

生鐵銚子內炒乾紙裏黃土內窰一宿研各壹兩壹分

右五味搗羅三味為末與芒消麻人同研令勻鍊蜜

和劑搗熟丸如梧桐子大每服二十九空心煎粟米

飲下至晚再服

治大便不通小腹脹滿芍藥丸方

赤芍藥壹兩

黃芩去黑心

大黃剉

杏人湯浸去皮尖

芒消生鐵銚子內炒乾紙裏黃

治大便不通疎風轉氣下痰半夏丸方

右五味搗羅三味為末與芒消杏人同研令勻鍊蜜

和搗丸如梧桐子大每服十五丸食前熟水下日三

加至二十九丸以通為度煎粟米飲下亦得

治大便不通疎風轉氣下痰半夏丸方

半夏湯洗柒偏去滑麩炒壹兩

牽牛子肆兩壹半生壹半炒

青橘皮湯浸去白焙

木通剉各半兩

右四味搗羅為末鍊蜜和劑搗熟丸如梧桐子大每

服四十九夜臥時淡生薑湯下

治卒大便不通或大腸熱結風祕大黃湯方

大黃剉

黃芩去黑心

梔子八

甘草炙剉各壹兩

右四味麤搗篩每服四錢匕水一盞半煎至八分去

滓下消石半錢匕更沸兩沸空心溫服

治大便不通甘遂散方

甘遂壹兩炒

木香壹分

右二味搗羅爲散每服一錢匕溫蜜酒調下不拘時
治風熱氣壅大便不通雄黃丸方

雄黃研

鬱金末各壹兩

巴豆半兩去皮心膜研如膏

生麩貳兩

右四味再同研細滴水丸如梧桐子大每服二丸至
三丸食後臨臥生薑湯下量虛實加減

治風熱大便不通檳榔散方

檳榔貳枚

朴消研

大黃炒

青橘皮湯浸去白焙各壹兩

右四味搗研爲散每服二錢匕食後臨臥葱蜜湯調

下

治大便不通荆芥散方

荆芥穗壹兩

大黃貳兩並生用

右二味搗羅爲散每服二錢匕溫生薑蜜湯調下未

通再服

治大便不通商陸煮豆方

商陸乾者

大戟剉炒壹分

右二味搗麤篩用水四盞棗十枚去核煎至一盞半
下黑豆半合同煎至水盡揀取黑豆初吞三粒稍加

之以通利爲度

治大便不通腹脹氣急妨悶滑石散方

滑石細研貳兩分兩貼手足指甲剪患人自身者燒為灰研細分兩貼

右二味取滑石末一貼以水一盞半煎至八分去滓調爪甲灰一貼空心服至辰時再服

治大腸壅結不通粉糖丸方

膩粉秤半錢沙糖如彈丸大壹塊

右二味同研令勻丸如梧桐子大每服五丸臨臥溫熟水下

治大腸閉澀大便不通葵酥湯方

冬葵子貳合牛酥貳兩如無以豬脂代

右二味將冬葵子麤搗篩分四貼每貼以水一盞煎至五分去滓下酥半兩更煎一二沸食前冷服

治熱結大便不通大黃湯方

大黃剉黃芩去黑心梔子人

甘草炙各壹兩

右四味麤搗篩每服五錢匕水一盞煎八分去滓溫服食前

治大便不通巴豆丸方

巴豆拾枚去皮心膜

右一味以醋一盞煮一饌久取出爛研用飯半匙同

研勻細丸為七十粒每服三粒空心煎粟米飲下良
久呷熱茶湯投即通

治下部閉塞大便不通蒟藿根汁方

蒟藿根嫩新者壹把爛搗

右一味以水二盞更同研生布絞取汁分三服食前
飲之強人分二服

治大便不通腹脹摩臍方

杏人湯浸去皮尖雙人參柒枚生用

葱白參莖去須葉細切

鹽壹分

右三味同研如膏每取如酸棗大許塗手心摩臍上

三百轉須臾即利如利不止以冷水洗手即定

治病後津液燥少大便不通腸結方

糯米貳合炒灰存性研細豬膽壹枚取汁

沙糖少許

右三味和研如膏內少許入下部立通

治榮衛否澀蘊熱不散腹中煩滿大便不通大黃湯方

大黃剉

梔子人肆兩

升麻

前胡去蘆頭各貳兩

右四味麤搗篩每服五錢匕水一盞半煎至八分去

滓食前溫服

治大便不通皂莢散方

猪牙皂荚 去皮酥炙半兩

蒺藜子 炒去角壹兩

右二味搗為細散每服一錢匕鹽茶湯調下

治大便不通麻人大黃丸方

大麻人 研貳兩 大黃 剉炒伍兩

右二味搗研為末鍊蜜丸如梧桐子大每服十九食

後熟水下

治大腸風熱結澀不通威靈仙丸方

威靈仙 去土酒浸一晝夜焙乾碎 大黃 剉炒

牽牛子 炒半熟各貳兩 獨活 去蘆頭剉焙 芎藭

檳榔 剉 木通 剉焙各壹兩

右七味搗羅為末鍊蜜和丸如梧桐子大每服空心

熟水下十九

治卒大便不通或熱結或風秘及婦人產後大便不通

等方

皂荚 兩搥去皮炙令黃熟為末 白梅肉 伍枚

蜜 少許

右三味將梅肉并蜜拌和皂荚末如棗大以綿裹引

內下部中須臾即通

治大便不通土瓜根內方

右以生土瓜根搗汁少許水解之竹筒中傾內下部

即通

治大便不通玄明粉散方

玄明粉兩半

右一味每服二錢匕將冷茶磨木香入藥頓服即通

治大便不通郁李人粥方

郁李人

壹兩去皮細研分兩分用

右一味煮薄粥一碗臨熟時下郁李人煮三兩沸傾

出空心喫便通再服一分以通利為度

治大便久不通方

右取棗去核入膩粉更以棗裹煨熟研勻丸如梧桐

于大每服五丸淡薑湯下

治大便七八日不通服諸藥未效用穿腸丸方

豬膽汁壹枚

右一味以蜜二兩煮令可丸入膩粉一錢匕捏如中

指長內下部立通

治大便七八日不通奔氣上衝豬膽導方

右取豬膽一枚繫口頭內下部漸解開頭倒寫入肛

門須臾即通

治大便不通蜜導方

右取白蜜二升於微火上煎令稠鞭投冷水中須臾

取出撚丸如手指大內下部導之即通
治下部壅塞大便不通方

烏梅伍枚

右一味內湯中漬輒取肉熟搗之丸如彈子內下部

中

結陰

論曰內經謂結陰者便血一升再結二升三結三升夫邪在五藏則陰脉不和陰脉不和則血留之結陰之病以陰氣內結不得外行血無所稟滲入腸間故便血也
治結陰下血地榆湯方

地榆

麤者剉肆兩

甘草

半生半炙並剉共參兩

右二味麤搗篩每用五錢七水三盞入縮沙人四七枚同煎至一盞半去滓分溫二服

治結陰下血腹痛懷香子湯方

懷香子

炒參兩

草烏頭

蛤粉同炒裂去皮臍剉壹兩

右二味拌令勻每服三錢七水一盞入鹽少許煎至八分去滓露至五更冷服

治結陰便血及腸風不止大効勝金丸方

羊肉

精者去筋膜壹斤半切如柳葉用硫黃末糝在肉中以好醋壹斗於銀石器中浸一復時

慢火煎如泥入臼杵千下

硫黃

滴生甘草水研三日極細候乾糝入肉中

葫蘆巴 去心 華澄茄 沉香 剉各半兩

巴戟天 去心 補骨脂 炒 牛膝

肉苳蓉 與牛膝同用 酒浸切焙 海桐皮 剉

桂皮 去麤 白茯苓 去黑皮 甘草 炙剉

人參 各壹兩 丁香 壹分 肉豆蔻 去殼參枝

附子 炮裂去皮臍 用大者貳枚

右一十七味除羊肉外搗羅為末以羊肉膏拌和令

勻更杵千餘下丸如梧桐子大每服二十九空心溫

酒下加至三十九

治結陰便血地黃煎丸方

生地黄 汁 小薊 汁各壹升 沙糖 壹兩同上貳味熬成膏

地榆根 剉焙 阿膠 炙令燥 側柏 剉各貳兩

右六味除上三味外搗羅為末入膏中和丸如小彈

子大每服一丸水一盞煎至六分和滓溫服

治便血如小豆汁阿膠芍藥湯方

阿膠 炙令燥 赤芍藥 當歸 切焙各壹兩

甘草 炙剉半兩

右四味麤搗篩每服五錢匕水一盞半入竹葉二七

片同煎至八分去滓溫服食前

治非時便血芍藥湯方

赤芍藥壹兩

桂去麤皮

甘草炙剉

右三味細剉如麻豆大每服三錢匕水一盞入生薑二片錫少許同煎至七分去滓溫服

治大便下血腹內痛不可忍屋龍丸方

屋龍尾

伏龍肝

墨燒令

當歸切焙各壹兩

皂莢子人兩炒半

右五味搗羅為末麩糊為丸如梧桐子大陰乾每服三十九煎生薑艾葉湯下空心食前服

治大便下血立効湯方

瞿麥穗兩壹

甘草炙剉

山梔子人兩微炒

右三味麤搗篩每五錢匕水三盞入葱根連鬚三莖劈破燈心二十莖生薑七片同煎至一盞半去滓分溫二服

治便血無度神仙必効丸方

阿膠炙令燥貳兩

當歸切焙

烏賊魚骨去甲

白芍藥

劉寄奴各壹兩

右五味搗羅為末鍊蜜和丸如梧桐子大空心米飲下三十九加至五十丸

治藏毒便血不止龍骨餅子方

龍骨

烏賊魚骨去甲

右二味搗羅為末每服一錢匕入鷄子清一枚用白麩同和捏作餅子三枚煨火內煨熟細嚼用溫米飲送下空心食前服

治結陰便血不止疼痛無時雞冠丸方

雞冠花 椿根皮並剉等分

右二味搗羅為末鍊蜜和丸如梧桐子大每服三十

丸濃煎黃耆湯下空心食前日三服

治久下血黑神散方

藁本去 烏頭炮裂去皮臍 皂莢酥炙去

蜜陀僧搗碎

右四味等分熨斗內用炭火燒黑取出搗羅為散每服二錢匕入膩粉一筒子和勻煎胡荽酒調下

治結陰瀉血不止石榴散方

醋石榴皮 陳橘皮湯浸去白 甘草微炙

乾薑炮

右四味等分焙乾搗羅為散每服二錢匕陳米飲調

下日三服

治結陰瀉血地榆散方

地榆剉 桑耳剉 甘草炙

赤芍藥各參兩 熟乾地黄焙 伏龍肝各肆兩

艾葉炒貳兩

黃耆剉陸兩

右八味搗羅為細散每服二錢匕米飲調下食後臨

臥服日三服

治結陰便血至三二升者桂芍湯方

桂皮去麤

赤芍藥

芍藥

當歸切焙

黃芩去黑心各壹兩

甘草炙剉半兩

右六味麤搗篩每服三錢匕水一盞入竹筴彈子大

藥一塊同煎至七分去滓空心溫服日二服

治便血紫參湯方

紫參壹兩

黃芩去黑心參分

茜根剉

赤芍藥

阿膠炙令燥

蒲黃各壹兩

鷄蘇葉

小薊根去土各參分

青竹筴剉兩

右九味麤搗篩每服三錢匕水一盞入生薑一塊半

棗大拍碎同煎至七分去滓食後溫服

治下血蕪萸丸方

蕪萸人兩壹兩

右一味搗研令細用紙裹壓去油再研為末用雄豬

膽為丸如梧桐子每服九九甘草湯下日五六服連

三日可斷根本

治便血一切血妄行金屑丸方

葉子雌黃不計多少入在棗內線繫定滿煎湯用

早至晚不住添沸湯取出研令極細其棗以盞盛飯上蒸過

右一味以煮藥棗取肉和丸如梧桐子大每服三丸

煎黑鉛湯下便血甚者只三服差

治結陰便血金虎丸方

黃藥壹兩去麤皮用雞子清塗炙

右一味擣羅為末滴水丸菜豆大溫水下七丸

治大便下血蝟皮灰散方

蝟皮燒灰存性

黃耆剉

熟乾地黄焙

續斷

柏葉

地榆剉

白芷去須各黃連等分

右八味擣羅為散每服二錢匕食前溫湯調下

大德重校聖濟總錄卷第九十七



